

आकाशवाणी

खबरां ---

1 भारत ते वियतनाम नै व्यापक सामरिक सांझ-भ्याली गी होर तगड़ा बनाने लेई दपक्खी गल्लबात कीती ऐ।

2 दऊं बड़ो शैहरें बश्कार लौहके सफर लेई सुविधां उपलब्ध करोआने गितै तौलें गै वंदे मेट्रो सेवा शुरू कीती जाग।

3 केरल दे मुख्यमंत्री पिनाराई विजयन होरें फौज दे आला अधिकारिण दे हवाले कन्नै आखेआ ऐ जे वायना च जंदे मंगलवारें ल्हास-पस्सियां पौने करी सब्बनें शा मते प्रभावित लाहकें चा इक्क मुंक्कई च बचे दे सब्बनें लोकें गी सुरक्षित कड़ी लैता गेआ ऐ।

4 भारतीय निशानेबाज स्वपनिल कुसाले नै पेरिस ओलंपिक 2024 च भारत गी त्रिया तगमा दोआया ऐ। राष्ट्रपति, उपराष्ट्रपति ते प्रधानमंत्री होरें उनेंगी इस उपलब्धि लेई बधाई दिती ऐ।

5 हिमाचल प्रदेश च जंदी रातीं बड़ी भारी बरखें ते बद्दल फट्टने करी कुल्लु, मंणी ते शिमला जिलं च जानमाल दा बड़ा भारी नुकसान होआ ऐ।

<><><><><><>

India-Vietnam

प्रधानमंत्री नरेंद्र मोदी होरें अज्ज नमीं दिल्ली च वियताम दे प्रधानमंत्री फाम मिन चिन्ह हुंदे नै गल्लबात कीती। इस गल्लबात दौरान दौनें नेताएं वियतनाम दे न्हा तरांग च दूर संचार युनिवर्सिटी च वर्चुअल माध्यम कन्नै सेना साफ्टवेयर पार्क दा उद्घाटन कीता। भारत नै इस परियोजना लेई 5 मिलियन डॉर दा सहायता अनुदान दिता ऐ। दौनें धड़ें सीमा शुल्क, समर्थ निर्माण, राई-बाई सरबन्धी शोध ते शिक्षा सने समुंद्री विरासत, औषधीय पौधें ते कन्नूनी खेतरें च सैहयोग लेई समझौता पतरें पर दस्तखत कीते। दौनें धात्रें दोआर सीमा समझौते ते वियतनाम च मायसोन यूनेस्को विश्व विरासत स्थल दी परतियै ब्हाली सरबन्धी समझौता पतरें पर बी दस्तखत कीते।

<><><><><><>

LS-Railways

सरकारै आखेआ ऐ जे ओह रेल हादसैं गी रोकने लेई बचनबद्ध ऐ ते यूपीए दी हकूमत दे मुकाबले च हादसैं च 68 फीसदी कमी आई ऐ। अज्ज लोकसभा च रेल मंत्री अश्विनी वैष्णव होरें अपने मंत्रालय दिएं अनुदान मंगें पर चर्चा दे जवाब च आखेआ जे यूपीए दी हकूमत दरान

रेल हादसैं दा सलाना औसत 170 हा। उनें आखेआ जे सुरक्षा यकीनी बनाने लई होर बी मते जत्न कीते जाने दी लोड़ ऐ।

<><><><><><>

Keral-Vaynad

केरल दे मुखमंत्री पिनराई विजयन होरें फौज दे आला अधिकारिं दे हवाले कन्नै आखेआ ऐ जे वायना च जंदे मंगलवारें ल्हास-पस्सियां पोने करी सब्बनें शा मते प्रभावित लाहकें चा इक मुंक्कई च बचे दे सब्बनें लोकें गी सुरक्षित कड्पी लेता गेआ ऐ। अज्ज वायना च मुखमंत्री होरें आखेआ जे अजें बी केई लोक लापता न ते केइएं जनें दे अजें बी मलबे हेठ दबोए दे होने दी शेंका ऐ। उनें फौज दे राहत ते बचा कम्मैं दी सराहना कीती। श्री विजयन होरें आखेआ जे प्रभावित लोकें दी आबादकारी लेई गैंही पुट्टियां जांगन ते इस गल्लै गी बी पक्का कीता जाग जे बच्चें दी पढ़ाई प्रभावित नेई होऐ। उनें आखेआ जे मंत्रीमंल दी इक उपकमेटी राहत कम्मैं लेई तालमेल गितै वायना च कैंप लाग। ल्हास-पस्सिएं करी गोआची जां तबाह होठ गेदे बक्ख-बक्ख रिकार्ड ते सर्टिफिकेट फही जारी कीते जांगन। एहदे शा पैहले मुखमंत्री होरें सब्बनें पार्टिं कन्नै इक बैठक लाई ते मगरा आला अफसरें कन्नै हालात दा

जायजा लैता। तोआई लोकसभा च विपक्ष दे नेता राहुल गांधी अज्ज दपैहरी प्रभावित होए दे चूरल मला लाहके च पुज्जे। उंदे कन्नै प्रियंका गांधी ते होर दुए नेता बी ऐ हे।

<><><><><><>

LS-Saubhagya

मुख्य दे 2 करोड़ 86 लख परोआरें गी प्रधानमंत्री सहज बिजली हर घर योजना-सौभाग्य तैहत बिजली दे कनेक्शन उपलब्ध करोआए गे'न। लोकसभा च अज्ज लिखियै दिते गेदे परते च बिजली राज्यमंत्री श्रीपद नाईक होरें दस्सेया जे सरकारें 2017 च एह योजना रम्भी ही ते एहदा मकसद मुख्य च हर इक परोआर गी बिजली उपलब्ध करोआना ऐ। उनें आखेआ जे केंद्र सरकार सौभाग्य योजना दे दायरे थमां बाहर रेई गेदे परोआरें गी बिजली उपलब्ध करोआने लेई राज्य सरकारें गी लोड़चदी मदाद उपलब्ध करोआ करदी ऐ।

<><><><><><>

RS-Judges

कन्नू ते न्या मंत्री अर्जुन राम मेघवाल होरें अज्ज राज्यसभा गी सूचित कीता जे मुख्य दे बक्ख-बक्ख हाई कोर्ट च जजें दिआं 359

असामियां खाली पेदिआं न। लिखियै दिते गेदे इक परते च उनें दस्सेया जे मुख्य दिएं जिला ते मतैहत अदालतें च बी 5 जहार 238 असामियां खाली न। मेघवाल होरें आखेआ जे खाली पेदिएं असामिएं गी तेजिया कन्नै पुर करने आस्तै हर मुमकन जत्न कीता जा करदा ऐ। उनें आखेआ जे जिला अदालतें च खाली पेदी असामिएं गी पुर करने दी जिम्मेदारी हाई कोर्टें ते राज्य सरकारें दी ऐ। इक होर सोआल दा परता दिंदे होई मेघवाल होरें आखेआ जे सर्वोच्च अदालत आस्सेआ सफारश कीते गेदे 24 प्रस्तावें पर कार्रवाई एल्लै बक्ख-बक्ख चरणें च ऐ।

<><><><><><>

Add-Paris

राश्ट्रपति द्रौपदी मुर्मू होरें स्वपनिल कुसाले गी पैरिस ओलंपिक च कैह दा तगमा जितने पर बदाई दिती। राश्ट्रपति होरें सोशल मीडिया पोस्ट च आखेआ ऐ जे कुसाले मर्दे दी 50 मीटर राइफल 3 पोजीशन श्रेणी च तगमा जितने आले पैहले भारतीय बनी गेआ ऐ। उनें आखेआ जे एह पैहली बारी ऐ जिसले भारत नै इक गै ओलंपिक च निशानेबाजी आले मुकाबले च त्रै तगमे जिते न। राश्ट्रपति होरें कुसाले होरें गी भविक्ख च होर उपलब्धि हासिल करने दियां शुभकामनां दितियां।

उपराश्ट्रपति जगदीप धनखड़ होरें पेरिस ओलंपिक 2024 च मर्दे दी 50 मीटर राइफल 3 पोजीशन च कैह दा तगमा जितने आस्तै स्वपनिल कुसाले गी बदाई दिती ऐ। इक सोशल मीडिया पोस्ट च धनखड़ होरें आखेआ जे स्वपनिल कुसाले दे समर्पण ते दढ़ता होरें पूरे मुख्य गी वैश्विक सतह पर गौरवांवित कीता ऐ। उनें भविष्य दे जत्ने च स्वपनिल कुसाले दी सफलता दी कामना कीती।

<><><><><><>

Paris-Olympics

पेरिस ओलंपिक च मर्दे दी 50 मीटर राइफल-3 पोजीशन च भारत दे स्वपनिल कुसाले नै कैह दा तगमा जितेया ऐ। 28 बरें दे कुसाले होर 50 मीटर राइफल 3 पोजीशन च तगमा जितने आले पैहले भारतीय बनी गए न। प्रधानमंत्री नरेंद्र मोदी होरें पेरिस ओलंपिक च मर्दे दी 50 मीटर राइफल 3 पोजीशन च कैह दा तगमा जितने पर स्वपनिल कुसाले होरें गी बदाई दिती। सोशल मीडिया पोस्ट च मोदी होरें आखेआ ऐ जे उंदा असाधारण प्रदर्शन रेखा ऐ। प्रधानमंत्री होरें आखेआ ऐ जे उंदा प्रदर्शन खास ऐ। प्रधानमंत्री होरें आखेआ जे उंदा प्रदर्शन खास ऐ की जे उनें बड़ा गै लचीलेपन ते कौशल दस्सेया ऐ। हर भारतीय हुंदी उपलब्धि करी खुश ऐ।

<><><><><><>

Himachal

हिमाचल प्रदेश च कल रातीं बड़ी भारी बरखा ते बद्दल फटने करी कुल्लू मंड़ी ते शिमला जिले च जानमाल दा भारी नुकसान होआ ऐ। बद्दल फटने दिएं घटनाएं च 55 लोक लापता न जदके 2 लोकें दी मौत होई गई ऐ। शिमला जिले दे रामपुर उपमंडल दे झाकड़ी च बद्दल फटने करी 36 लोक अजें बी लापता न। मंड़ी जले च 9 लोक लापता न जदके 2 लोकें दे शव बरामद कीते गे न। तोआई कुल्ले जिले दी मणिकरण घाटी च पार्वती नदी च उफान करी 4 मंजिला ईमारत ढहेई पेई। उत्थे मलाना पन बिजली परियोजना दा बन्न चूटने करी 3 शा 4 लोक फंसी गे जदे जिले च कुल 10 लोक लापता न।

<><><><><><>

Infiltration Samba

सांबा जिले च बीएसएफ नै पाकिस्तान कन्ने लगदे अंतर्राष्ट्रीय बन्ने पर इक पाकिस्तानी घुसपैठिए गी मारी मकाया ऐ। आकाशवाणी जम्मू संवाददाता दी रिपोर्ट मुजब जंदी चिरे रातीं सांबा सेक्टर च खोआरा चौकी कश इक घुसपैठिया भारतीय इलाके च बड़ने दी कोश्ट करा'रदा

हा ते भारतीय इलाके च अंदर बडने दे मौके घुसपैठिए गी बीएसएफ
दे सौहगे जोआनें आस्सेआ चेतावनी दिती गेई पर घुसपैठिए नै ओहदे
पर ध्यान नेई दित्ता जेदे चलदे गोलीबारी होई। बीएसएफ ते पुलस
अधिकारी उस थाहर पर पुज्जी गेदे न ते लोथ गी बरामद करने दी
कोशश कीती जा रदी ऐ।

<><><><><><>